

一九八二國家中醫古籍整理出版規劃

主編 張燦琨 徐國仟

中醫古籍整理叢書重刊

鍼灸甲乙經校注（下冊）





一九八二 國家中醫古籍整理出版規劃

中醫古籍整理叢書重刊

鍼灸甲乙經校注 (下冊)

主編 張燦琬 徐國仟

編者 張燦琬 徐國仟 劉承才 田代華 張登部

郭君雙 柳長華

審定 郭霽春 史常永 李克光 白永波 邵冠勇



人民衛生出版社

圖書在版編目 (CIP) 數據

鍼灸甲乙經校注. 下冊/張燦理, 徐國仟主編. —北京:
人民衛生出版社, 2014

(中醫古籍整理叢書重刊)

ISBN 978-7-117-18172-3

I. ①鍼… II. ①張…②徐… III. ①《鍼灸甲乙經》-
注釋 IV. ①R245

中國版本圖書館 CIP 數據核字(2013)第 237611 號

人衛社官網 www.pmph.com 出版物查詢, 在線購書
人衛醫學網 www.ipmph.com 醫學考試輔導, 醫學數
據庫服務, 醫學教育資
源, 大眾健康資訊

版權所有, 侵權必究!

鍼灸甲乙經校注

(下 冊)

主 編: 張燦理 徐國仟

出版發行: 人民衛生出版社 (中繼線 010-59780011)

地 址: 北京市朝陽區潘家園南裏 19 號

郵 編: 100021

E-mail: pmph@pmph.com

購書熱線: 010-59787592 010-59787584 010-65264830

印 刷: 北京匯林印務有限公司

經 銷: 新華書店

開 本: 850×1168 1/32 印張: 21

字 數: 527 千字

版 次: 2014 年 6 月第 1 版 2014 年 6 月第 1 版第 1 次印刷

標準書號: ISBN 978-7-117-18172-3/R·18173

定 價: 68.00 元

打擊盜版舉報電話: 010-59787491 E-mail: WQ@pmph.com

(凡屬印裝質量問題請與本社市場營銷中心聯繫退換)

鍼灸甲乙經

卷之六	769
八正八虛八風大論第一	769
逆順病本末方宜形志大論第二	784
五藏六府虛實大論第三	798
陰陽清濁順治逆亂大論第四	817
四時賊風邪氣大論第五	822
內外形診老壯肥瘦病旦慧夜甚大論第六	828
陰陽大論第七	842
正邪襲內生夢大論第八	867
五味所宜五藏生病大論第九	875
五藏傳病大論第十	899
壽夭形診病候耐痛不耐痛大論第十一	920
形氣盛衰大論第十二	928
卷之七	936
六經受病發傷寒熱病第一上	936
六經受病發傷寒熱病第一中	951
六經受病發傷寒熱病第一下	974
足陽明脉病發熱狂走第二	985
陰衰發熱厥陽衰發寒厥第三	989
太陽中風感於寒濕發瘧第四	1000

陰陽相移發三瘡第五	1007
卷之八	1033
五藏傳病發寒熱第一上	1033
五藏傳病發寒熱第一下	1050
經絡受病人腸胃五藏積發伏梁息賁肥氣痞氣	
賁膵第二	1061
五藏六府脹第三	1081
水膚脹鼓脹腸覃石瘕第四	1087
腎風發風水面跗腫第五	1092
卷之九	1098
大寒內薄骨髓陽逆發頭痛第一	1098
寒氣客於五藏六府發卒心痛胸痺心疝三蟲第二	1102
邪在肺五藏六府受病發欬逆上氣第三	1108
肝受病及衛氣留積發胸脇滿痛第四	1115
邪在心膽及諸藏府發悲恐太息口苦不樂及驚第五	1120
脾受病發四肢不用第六	1124
脾胃大腸受病發腹脹滿腸中鳴短氣第七	1126
腎小腸受病發腹脹腰痛引背少腹控臑第八	1134
三焦膀胱受病發少腹腫不得小便第九	1149
三焦約內閉發不得大小便第十	1152
足厥陰脉動喜怒不時發癰疽遺溺癰第十一	1153
足太陽脉動發下部痔脫肛第十二	1160
卷之十	1161
陰受病發痺第一上	1161
陰受病發痺第一下	1170
陽受病發風第二上	1180
陽受病發風第二下	1193
八虛受病發拘攣第三	1203

熱在五藏發痿第四	1205
手太陰陽明太陽少陽脉動發肩背痛肩前臑皆痛 肩似拔第五	1211
水漿不消發飲第六	1214
卷之十一	1215
胸中寒發脉代第一	1215
陽厥大驚發狂癇第二	1216
陽脉下墜陰脉上争發尸厥第三	1232
氣亂於胃腸發霍亂吐下第四	1232
足太陰厥脉病發溏泄下痢第五	1234
五氣溢發消渴黃痺第六	1237
動作失度内外傷發崩中瘀血嘔血唾血第七	1243
邪氣聚於下脘發內癰第八	1253
寒氣客於經絡之中發癰疽風成發厲浸淫第九上	1256
寒氣客於經絡之中發癰疽風成發厲浸淫第九下	1261
卷之十二	1289
欠噦唏振寒噫噦譫泣出太息澁下耳鳴嚙舌善 忘善饑第一	1289
寒氣客於厥發痞不能言第二	1303
目不得眠不得視及多卧卧不安不得偃卧肉苛 諸息有音及喘第三	1306
足太陽陽明手少陽脉動發目病第四	1316
手太陽少陽脉動發耳病第五	1324
手足陽明脉動發口齒病第六	1327
血溢發衄第七	1332
手足陽明少陽脉動發喉痹咽痛第八	1334
氣有所結發瘤癭第九	1334
婦人雜病第十	1335

小兒雜病第十一	1344
校注後記	1350
參考引用書目	1417
附錄	1428
皇甫謐傳(引自《晉書》卷五十一)	1428

八正八虛八風大論第一

本篇自“黃帝問曰”至“發腠

理者也”，見《靈樞·歲露論》、《太素·八正風候》。自“風從其衝後來者”至“則爲擊仆偏枯矣”，見《靈樞·九宮八風》、《太素·九宮八風》。自“曰：四時八風之中人也”至“不能傷也”，見《靈樞·歲露論》、《太素·三虛三實》。

提要：本篇主要論述八正、八虛、八風之致病，故以此名篇。其內容包括：遇歲露的原因和虛風致病；八風的性質及其對臟腑的危害；三虛、三實對人體的影響。

黃帝問曰：歲之所以皆同病者，何氣使然^[1]？少師對曰：此八正^[2]之候也。候此者^[3]，常以冬至之日^[4]，風^[5]從南方來者，名曰虛風^[6]，賊傷^[7]人者也。其以夜半^[8]至者，萬民皆卧而不犯^[9]。故其歲萬^[10]民少病。其以晝至者，萬民懈惰^[11]而皆中於邪風^[12]，故萬^[13]民多病。虛邪入客於骨，而不發於外，至其^[14]立春，陽氣大發，腠理開，有^[15]因立春之日，風從西方來，萬民^[16]皆中於虛風^[17]，此兩邪相搏^[18]，經氣結代^[19]。故諸逢其風而遇其雨者，名^[20]曰遇歲露^[21]焉。因歲之和而少賊風者，民少病而少死，歲多賊風邪氣，寒溫不和，則民多病而死^[22]矣。

〔1〕何氣使然 《靈樞》、《太素》均作“何因而然”。義均通。

〔2〕八正 正，原作“症”，明抄本作“証”，均非。據《靈樞》、《太素》

及篇名改。楊上善注：“八正候者，八節之正，虛邪候也。”《類經》卷二十七第三十六注：“四正、四隅，謂之八正，即八宮也。”四正者，東、南、西、北四方位。四隅者，東南、西南、西北、東北四方位。八宮，即八卦所居上述八方之位也。《靈樞集註》張志聰注：“八正者，冬至、夏至、春分、秋分、立春、立夏、立秋、立冬，定八方之正位，以候八方之風雨也。”此即所謂八節也。八節與八方相應，故張介賓與張志聰二注，語雖不同，義則一也。

〔3〕候此者 明抄本無此三字，疑脫。

〔4〕冬至之日 此下《靈樞》原有“太一立於葉蟄之宮，其至也，天必應之以風雨者矣”二十字。《太素》注：“《九宮經》曰：太一者，元皇之使，常居北極之傍，汁蟄上下，政天地之常（按此下一字不清）起也。汁蟄，坎宮名也。”按元皇者，玄皇也，此係避宋始祖玄朗諱改字，玄皇亦即玄帝，如《管子·幼官》：“令曰：非玄帝之命。”指天帝而言。汁蟄即葉蟄。汁通協、叶。《方言》卷三：“協，汁也。自關而東曰協，關西曰汁。”《周禮·春官·大史》：“讀禮書而協事。”鄭玄注：“故書協作叶。”《靈樞·九宮八風》云：“太一常以冬至之日，居叶蟄之宮四十六日，明日居天留四十六日，明日居倉門四十六日，明日居陰洛四十五日，明日居天宮四十六日，明日居玄委四十六日，明日居倉果四十六日、明日居新洛四十五日。明日復居叶蟄之宮，曰冬至矣。太一日遊，以冬至之日，居叶蟄之宮，數所在日從一處，至九日，復反於一。常如是無已，終而復始。”按此即所謂太一遊之八宮日數，以冬至日為太一遊之起點，故此言候八正之候，常以冬至之日也。冬至位應北方，若風從北方來者，為從其鄉來，為實風。若從其對衝之方向來，即從南方來，為從衝後來，為虛風。餘同此例。

〔5〕風 此下《靈樞》、《太素》均有“雨”字。若據後文云“故諸逢其風而遇其雨者，名曰遇歲露焉”之義，本經或脫“雨”字。

〔6〕名曰虛風 名曰，《靈樞》、《太素》均作“為”，並通。冬至日，風從南方來，為從衝後來，故名曰虛風。

〔7〕賊傷 賊，傷害也。《論語·先進》：“賊夫人之子。”何晏注引包咸曰：“所以為賊害。”賊傷，同義複詞。

〔8〕半 《太素》無。

〔9〕不犯 明抄本作“不犯者”。《靈樞》、《太素》作“弗犯也”。弗、不義同。按犯下有“也”，義勝。

〔10〕萬 原脫，據明抄本及前後文例補。

〔11〕 愴 與情通。《太素》正作“情”。

〔12〕 邪風 《靈樞》、《太素》均作“虛風”。詳此前云風從南方來者，名曰虛風，此後立春日風從西方來者亦曰虛風，故此似當以作“虛風”爲是。

〔13〕 萬 原脫，據明抄本、《靈樞》、《太素》及前後文例補。

〔14〕 其 語助詞。如《詩·小雅·節南山》：“終其永懷。”

〔15〕 有 《靈樞》、《太素》均無。有與又通。

〔16〕 民 此下《靈樞》、《太素》均有“又”字。詳本經上文“因立春日之日”前，有“有”字，即又也，於上下文義爲順，故疑《靈樞》、《太素》係將上“又”字誤錯於此也。

〔17〕 中於虛風 於，原脫。據《靈樞》、《太素》補。補後與前文“中於邪風”句式同。

〔18〕 搏 原作“搏”，《太素》作“薄”。按搏爲搏之誤，搏與薄通。如《靈樞·決氣篇》：“兩神相搏。”《素問·調經論》王冰注引《鍼經》作“兩神相薄”，可証。故據改。

〔19〕 經氣絕代 《太素》作“經氣絕代”，楊上善注：“至立春日，復有虛風從西方衝上而來，是則兩邪相薄，致經脉絕代以爲病也。”《類經》卷二十七第三十六注：“立春之日，月建在東，而風從西方來，亦虛風也。冬至中之，立春又中之，此兩邪也。邪留而不去，故曰結。當其令而非其氣，故曰代。”二說小異，今並存之。結、絕二字，義亦互通。均有止盡之義。《文選·張衡·東京賦》：“結徒營。”李善注：“薛曰：結，止也。”《呂氏春秋·權勳》：“嗜酒甘而不能絕於口。”高誘注：“絕，止也。”

〔20〕 名 《靈樞》、《太素》均作“命”，義同。

〔21〕 歲露 《太素》注：“露有其二，一曰春露，主生萬物者也。二曰秋露，主衰萬物者也。今歲有賊風暴雨以衰於物，比秋風露，故曰歲露焉。是以實風至也。歲和有吉，虛風至也。歲露致凶也。”《類經》卷二十七第三十六注：“歲露，即前章淋露之義。歲則兼乎時也。”此注所謂前章，指《靈樞·九宮八風》文，本經在本篇後文。《靈樞集註》張志聰注：“風者，天之氣。雨者，天之露。故諸逢其風而遇其雨者，命曰遇歲露焉。”按諸家於歲露之說解，似未得其義。詳歲露之義，實與《靈樞》言太一遊有關。觀《九宮八風》云：“太一移日，天必應之以風雨，以其日風雨則吉，歲美民安少病。先之則多雨，後之則多汗（按《太素·九宮八風》作“旱”是）。”又

云：“風從其所居之鄉來爲實風，主生，長養萬物。從其衝後來爲虛風，傷人者也，主殺主害者。”故乃出八風之說。《歲露論》中復云候八正之虛實，“常以冬至之日，太一立於叶蟄之宮，其至也，天必應之以風雨者矣。……故諸逢其風而遇其雨者，命曰遇歲露焉。”是《靈樞》兩篇所論，旨在明風雨邪氣賊傷人者。故歲露之義，合當指此。蓋露者，傷敗也。《方言》卷三：“露，敗也。”《廣雅·釋詁》露：“敗也。”王念孫疏證：“露之言落也。《方言》：露，敗也。昭元年《左傳》云：勿使有所壅閉湫底，以露其體。《逸周書·皇門》解云：自露厥家。《管子·四時篇》云：國家乃路。《呂氏春秋·不屈篇》云：士民罷路。露、路、路並通。今俗語猶云敗露矣。《莊子·天地篇》：夫子闔行邪，無落吾事。謂無敗吾事也。落與露亦聲近義同。”又《讀書雜誌·荀子·都邑露》：“露者，敗也。謂都邑敗壞也。《方言》曰：露，敗也。《莊子·漁父篇》曰：田荒室露。《齊策》曰：百姓罷而城郭露。並與此都邑露同義。”是歲露者，與上文諸言體露、家露、都邑露、城郭露等義並同。歲露，歲之敗氣也。

〔22〕死 《太素》作“多死”，與上文“少死”爲對文，於義爲勝。

曰：虛邪之風，其所傷^{〔1〕}貴賤何如，候之奈何？曰^{〔2〕}：正月朔日^{〔3〕}，風從西方來而大^{〔4〕}，名曰白骨，將^{〔5〕}國有殃，人多死亡。正月朔日平旦，西^{〔6〕}北風行，民病多^{〔7〕}，十有三也^{〔8〕}。正月朔日日中，北風，夏，民多死者。一作多病。正月朔日平旦，北風，春，民多死者。正月朔日夕時，北風，秋，民多死者^{〔9〕}。正^{〔10〕}月朔日，天時和溫^{〔11〕}，不風^{〔12〕}，民無病，大寒疾風^{〔13〕}，民多病。二月丑^{〔14〕}不風，民多心腹病。三月戌^{〔15〕}不溫，民多寒熱病^{〔16〕}。四月巳^{〔17〕}不暑，民多癰病^{〔18〕}。十月申^{〔19〕}不寒，民多暴死者^{〔20〕}。諸所謂風者，發屋^{〔21〕}拔樹^{〔22〕}，揚沙石^{〔23〕}，起毫毛，發腠理者也。風從其衝後來者^{〔24〕}，名曰^{〔25〕}虛風，賊傷^{〔26〕}人者也。主殺害^{〔27〕}。必^{〔28〕}謹候虛風而^{〔29〕}避之。避邪之道，如避矢石^{〔30〕}，然後^{〔31〕}邪弗能害也^{〔32〕}。

〔1〕傷 原脫，據明抄本、《靈樞》、《太素》補。

〔2〕曰 此下《靈樞》有“太一居天留之宮，其日西北風，不雨，人多死矣”十八字，《太素》同，惟留作“溜”，無“矣”字。

〔3〕朔日 此下《靈樞》、《太素》均有“風從南方來，命曰旱鄉”九字。

朔日，初一日。朔，初也，始也。《說文·月部》：“朔，月一日始蘇也。”段玉裁注：“日部曰：晦者，月盡也。盡而蘇矣。樂記注曰：更息曰蘇。蘇，止也，生也。”《釋名·釋天》：“朔，蘇也。月死復蘇生也。朔，月初之名也。”

〔4〕而大 《靈樞》、《太素》均無此二字，且此下言諸風，亦無此文例，疑衍。

〔5〕將 此爲副詞，必定、勢必也。

〔6〕西 《靈樞》、《太素》均無。

〔7〕多 明抄本無。《靈樞》作“多者”。《太素》作“死者”。詳《靈樞》、《太素》均有“終日北風，大病死者十有六”一條，律以此文，似當以《太素》作“死者”義勝。

〔8〕也 明抄本、《太素》均無。

〔9〕死者 者，《靈樞》無。此下《靈樞》、《太素》均有“終日北風，大病死者十有六”十一字。

〔10〕正 此前《靈樞》有“正月朔日，風從東方來，發屋，揚沙石，國有大災也。正月朔日，風從東南方行，春有死亡”三十三字，《太素》大抵同，惟東方，作“東南方”；災也，無“也”字；東南方，無“方”字。

〔11〕天時和溫 明抄本作“天利和溫”。《靈樞》作“天利溫”。《太素》作“天和溫”。按義皆同。利與和通。《廣雅·釋詁三》：“利，和也。”

〔12〕風 此下《靈樞》、《太素》均有“羅賤”二字。與前文言“所傷貴賤”義合，疑本經脫。

〔13〕大寒疾風 《靈樞》、《太素》均作“天寒而風”，義勝。又此下《靈樞》、《太素》均有“羅貴”二字，與前文言“所傷貴賤”義合。疑本經脫。

〔14〕〔15〕〔17〕二月丑、三月戌、四月巳 《類經》卷二十七第三十六注：“二、三、四月，以陽王之時，而丑日不風，戌日不溫，巳日不暑，陰氣盛而陽不達也。故民多病。”

〔16〕寒熱病 病，《靈樞》、《太素》均無。寒熱一語，在經文中，或爲症狀，或指病名。此當指外邪所致寒熱之病也。

〔18〕痺病 明抄本、《太素》均作“病痺”。痺下明抄本有“音丹，又音疸”五小字音注。

〔19〕十月申 《類經》卷二十七第三十六注：“十月以陰王之時，而申日不寒，陽氣勝而陰不藏也。故民多暴死。”

〔20〕死者 者，原脫，據明抄本及前“民多死者”文例補。補後成

“者”字結構，具有指代作用，於義爲順。

〔21〕發屋 毀壞房屋。發，毀也。如《左傳·襄公二十八年》：“陳無宇濟水，而戕舟發梁。”《史記·項羽本紀》：“於是大風從西北而起，折木、發屋，揚砂石，窮冥晝晦。”

〔22〕拔樹 《靈樞》、《太素》均作“折樹木”。按“樹木”二字義重，詳《史記·項羽本紀》云“折木、發屋”，《開元占經》卷九十一風占云“發屋、折木”。疑作“折木”爲是。

〔23〕揚沙石 飛沙走石。揚，飛也。《說文·手部》：“揚，飛舉也。”《周禮·考工記·矢人》：“中強則揚。”鄭玄注：“揚，飛也。”《開元占經》卷九十一風占：“古云：發屋、折木、揚沙走石，今謂之怒風。”

〔24〕風從其衝後來者 此前《靈樞》有“風從其所居之鄉來，爲實風，主生，長養萬物”，《太素》同，惟無起首“風”字。《類經》卷二十七第三十五注：“所居者，太一所居之鄉也。如月建居子，風從北方來，冬氣之正也。月建居卯，風從東方來，春氣之正也。月建居午，風從南方來，夏氣之正也。月建居酉，風從西方來，秋氣之正也。四隅十二建，其氣皆然。……衝者，封衝也。後者，言其來之遠，遠則氣盛也。如太一居子，風從南方來，火反勝也。太一居卯，風從西方來，金勝木也。太一居午，風從北方來，水勝火也。太一居酉，風從東方來，木反勝也。氣失其正者，正氣不足，故曰虛風。”是此所謂“風從其衝後來者”，與“風從其所居之鄉來”，相對爲文。衝者，相對之位也。如《論衡·調時篇》云：“歲月惡其不避已之衝位。”故冬之衝位在南方，夏之衝位在北方，餘此類推，凡從衝後來之風，乃非其時而有其氣也。

〔25〕名曰 《靈樞》、《太素》均作“爲”。

〔26〕賊傷 賊，《靈樞》、《太素》均無。據前文“名曰虛風，賊傷人者也”句義，當以本經爲是。

〔27〕主殺害 明抄本作“主殺害者”。《靈樞》作“主殺主害者”。《太素》作“主殺主害者也”。若據《靈樞》此上“風從其所居之鄉來，爲實風，主生，長養萬物”文義，則本文連同上文似當作“風從其衝後來者，名曰虛風，主殺，賊傷人者也”，於義爲順。

〔28〕必 《靈樞》、《太素》均無。

〔29〕而 此下原有“謹”字，按此上已言“謹候”，“而”下復言“謹”，文義不屬，故據《靈樞》、《太素》刪。

〔30〕之道，如避矢石 《太素》無此六字。

〔31〕然後 《靈樞》無“後”字，“然”字連上句讀。《太素》無此二字。

〔32〕也 明抄本作“人”。《靈樞》、《太素》均無。

風從南方來，名曰大弱風^{〔1〕}，其傷人也，內舍於心，外在於脉，其氣主爲熱。

風從西南方來，名曰謀風^{〔2〕}，其傷人也，內舍於脾，外在於肌肉^{〔3〕}，其氣主爲弱^{〔4〕}。

風從西方來，名曰剛風^{〔5〕}，其傷人也，內舍於肺，外在於皮膚^{〔6〕}，其氣主爲燥^{〔7〕}。

風從西北方來，名曰折風^{〔8〕}，其傷人也，內舍於小腸^{〔9〕}，外在於手太陽之脉^{〔10〕}。脉絕則泄^{〔11〕}，脉閉則結不通，善暴死^{〔12〕}。

風從北方來，名曰大剛風^{〔13〕}，其傷人也，內舍於腎，外在於骨與肩背之膂筋^{〔14〕}，其氣主爲寒。

風從東北方來，名曰凶風^{〔15〕}，其傷人也，內舍於大腸^{〔16〕}，外在於兩脇腋骨下及肢節^{〔17〕}。

風從東方來，名曰嬰兒風^{〔18〕}，其傷人也，內舍於肝，外在於筋紐^{〔19〕}，其氣主爲濕^{〔20〕}。

風從東南方來，名曰弱風^{〔21〕}，其傷人也，內舍於胃^{〔22〕}，外在於肌^{〔23〕}，其氣主爲體重。

〔1〕大弱風 《類經》卷二十七第三十五注：“南方離火宮也，凡熱盛之方，風至必微，故曰大弱風。”《五行大義·論八卦八風》引《太公兵書》：“大弱風者，離爲中女，又弱於長女也。”按兩說不同，並存。

〔2〕謀風 《類經》卷二十七第三十五注：“西南方，坤土宮也。陰氣方生，陽氣猶盛，陰陽去就，若有所議，故曰謀風。”《五行大義·論八卦八風》引《太公兵書》：“坤爲地，太陰之本，多陰謀也。”按西南坤宮，當立秋之節，云謀風者，義難解。又詳《說文·風部》、《白虎通·八風》、《淮南子·墜形訓》、《易緯·通卦驗》均作“涼風”。《呂氏春秋·有始》作“淒風”。義頗明。疑或謀爲“漠”之雙聲假借。《說文·水部》：“漠，北方流沙也，一曰清也。”《爾雅·釋言》：“漠察，清也。”郭璞注：“皆清明。”引申

之，亦可爲清涼義。

〔3〕肌肉 肉，《靈樞》、《太素》均無。肌，《素問·移精變氣論》及《素問·脉要精微論》王冰注引《靈樞經》均無。按後文弱風條，言“內舍於胃，外在於肌”，是二者當有所別，本條似以作“肉”爲是。

〔4〕主爲弱 《類經》卷二十七第三十五注：“脾惡陰濕，故其氣主爲弱。”按諸風應臟者，南方大弱風，內舍於心，氣主爲熱。西方剛風，內舍於肺，氣主爲燥。北方大剛風，內舍於腎，氣主爲寒。氣與時、臟相應。惟本條脾而云氣弱，後文肝而云氣濕，義難通。疑二者互誤。若本條作“主爲濕”，則與心、肺、腎三條例亦同矣。肝云氣弱者，以春時萬物初生，其氣尚弱，義亦通。然否？待考。

〔5〕剛風 《五行大義·論八卦八風》引《太公兵書》作“小剛風”。又云：“小剛風者，亦金殺故也。”《類經》卷二十七第三十五注：“西方兌金宮也，金氣剛勁，故曰剛風。”

〔6〕皮膚 膚，《素問·移精變氣論》王冰注引《靈樞經》無。按肺主皮毛，似以作“皮”義勝。

〔7〕主爲燥 《太素》作“主爲身燥”，非是。

〔8〕折風 《五行大義·論八卦八風》引《太公兵書》云：“折風者，金強能摧折物也。”《類經》卷二十七第三十五注：“西北方，乾金宮也，金主折傷，故曰折風。”

〔9〕內舍於小腸 《類經》卷二十七第三十五注：“凡風氣傷人，南應在上，北應在下。故此小腸手太陽經受病者，以小腸屬丙，爲下焦之火府，而乾亥虛風，其衝在巳也。”

〔10〕外在於手太陽之脉 之，《靈樞》、《太素》均無，非是。此以前文南方大弱風已言“外在於脉”，此言“外在於手太陽之脉”者，以手太陽爲小腸脉，與心相表裏，故均言“脉”。

〔11〕泄 《靈樞》、《太素》均作“溢”。並通。

〔12〕善暴死 善上明抄本有“則”字。《類經》卷二十七第三十五注：“然西方之金，其氣肅殺，北方之水，其氣慘冽，西北合氣，最伐生陽，故令人善暴死。”

〔13〕大剛風 《五行大義·論八卦八風》引《太公兵書》云：“大剛風者，大陰之氣好殺，故剛。”《類經》卷二十七第三十五注：“北方坎水宮也。氣寒則風烈，故曰大剛風。”

〔14〕與肩背之膂筋 膂下明抄本有“音旅”二小字音注。《靈樞》、《太素》同本經，《素問·移精變氣論》及《素問·脉要精微論》王冰注引《靈樞經》均無此六字。

〔15〕凶風 《五行大義·論八卦八風》引《太公兵書》云：“凶風者，艮在鬼門，凶害之所也。”按東北艮宮，應立春之節，《說文·風部》作“融風”。《白虎通·八風》、《易緯·通卦驗》均作“條風”。《呂氏春秋·有始》、《淮南子·墜形訓》均作“炎風”。陳奇猷按：“炎融雙聲。”以上諸文與“凶風”說，義甚殊，存疑。

〔16〕內舍於大腸 《類經》卷二十七第三十五注：“以大腸屬庚，為下焦之金府，而艮寅虛風，其衝在申也。”

〔17〕外在於兩脇腋骨下及肢節 腋下明抄本有“音亦”二小字音注。《素問·移精變氣論》王冰注引《靈樞經》作“外在腋脇”。

〔18〕嬰兒風 《五行大義·論八卦八風》引《太公兵書》云：“嬰兒風者，震為長男、愛之，故曰兒。”東方艮宮應春分之節，陽氣發生而未盛，象人之未成年者，故為嬰兒。

〔19〕筋紐 “紐”下明抄本有“音銀，又音近”五小字音注，據音注當作“紉”，《太素》正作“紉”可証。紉，聯結也。如《楚辭·離騷》：“紉秋蘭以為佩。”紐亦聯結也。如《荀子·正名》：“交喻異物，名實玄紐。”是紐紉義互通。筋紐，筋脉聯結處。

〔20〕主為濕 《太素》作“主為身濕”。按風從東方，應春分之節，內舍於肝，言氣主為濕，義難解，疑有誤。

〔21〕弱風 《五行大義·論八卦八風》引《太公兵書》作“小弱風”，又云：“小弱風者，巽為長女，故稱弱也。”《類經》卷二十七第三十五注：“東南方，巽木宮也，氣煖則風柔，故曰弱風。”

〔22〕內舍於胃 《類經》卷二十七第三十五注：“東南濕勝，挾木侮土，故其傷人，則內舍於胃。”

〔23〕肌 《靈樞》作“肌肉”。《太素》作“肉”。《素問·移精變氣論》及《素問·脉要精微論》王冰注引《靈樞經》均同本經。此與內舍於脾者有別，故本經是。

按：八風之說，秦漢古文獻多有記載。如《呂氏春秋·有始》為炎風、滔風、熏風、巨風、淒風、飈風、厲風、寒風（以下均以東北方為始），《淮南子·墜形訓》則為炎風、條風、景風、巨風、

涼風、颺風、麗風、寒風，其中滔條疊韻、厲麗疊韻，義均可通，然尚有小異。《白虎通·八風》、《易緯·通卦驗》及《五行大義·論八卦八風》引《淮南子》均作條風、明庶風、清明風、景風、涼風、閭闔風、不周風、廣莫風，《說文·風部》條風作融風，餘均與《白虎通》等同。詳諸書所載八風之所以有別者，一則學術體係不同，一則屢經傳抄，文或有變也。盡管諸書所言不同，然從宏觀方面看，其言八方之風失常，可致物候及人體有變之理，則歸一也。特如本經及《易緯》等書，言之猶詳，充分體現了“人與天地相參”的觀點。故有關九宮八風的理論，盡管其中難免有唯心成分，但在提示人們避邪如避矢石方面，仍有其現實意義，對預防醫學，也有十分重要的學術價值。

凡此八風者^[1]，皆從其虛之鄉來，乃^[2]能病人，三虛相薄^[3]，則為暴病卒死；兩實一虛^[4]，則^[5]為淋露^[6]寒熱；犯其雨濕之地，則為痿。故聖人避邪^[7]，如避矢石^[8]。其三虛^[9]偏中於邪風，則為擊仆偏枯^[10]矣。

[1] 者 《靈樞》、《太素》均無。

[2] 乃 明抄本作“若”。

[3] 薄 《靈樞》作“搏”，搏與薄通。

[4] 兩實一虛 原作“兩虛一實”，據明抄本、《靈樞》、《太素》改。

[5] 則 此上《靈樞》、《太素》均有“病”字。

[6] 淋露 《太素》作“淋洛”。又《靈樞·官能》云：“寒熱淋露，以輸異處。”《太素·知官能》注：“因於露風、生於寒熱，故曰寒熱淋露。”《類經》卷十九第十注：“淋於雨，露於風，邪感異處，當審其經也。”按楊、張二家，訓解如字，非是。《研經言·釋露》：“淋露即羸露，古者以為疲困之稱。《左·昭元年傳》：勿使有所壅閉湫底，以露其體。注：露，羸也。《韓非子·亡徵》：好罷露百姓。《風俗通義》：怪神大用羸露。皆此義也。字亦省作路。《詩·皇矣》：申夷載路。箋：路，瘠也。侵伐混夷以瘠之。《管子·四時》：不知四時之故，天下乃路。是也。”此說是。《一切經音義》卷十六：“淋，古文羸同。”臨與隆雙聲通用，《說文通訓定聲·臨部》臨：“《詩·皇矣》：與爾臨衝。傳：臨，臨車也。《韓詩》作隆。臨隆雙聲。……又雙聲連語，《荀子·強國》：乃在臨慮。注：今屬相州，按《漢書·地理志》